

[Timor-Leste Ministry of Finance](#)

Komisaun Revizaun Orsamentais Politika (KROP) Konklui Ona Proposta Pre-Eliminariu OJE 2019



Horikalan, 29 Outubru 2018 hola fatin iha salaun auditoriu Xanana Gusmão Ministériu Finansas nian, Komisaun Revizaun Orsamentu Polítika (KROP) konklui ona proposta pre-elimináriu tetu Orsamentu Jerál Estadu (OJE) tinan 2019 ho total orsamentu \$1.350 mil milhoens de dólares. Hosi total verba OJE 2019 ne'e inklui mós \$350 milhoens de dólares hodi sosa asaun *Greater Sunrise* hosi Conocco Phillips ho porsentu 30 ne'ebé hetan tiha ona konkordansia entre Xefe Negosiador Prinsipal Tasi Timor, Xanana Gusmao no Presidente Conocco Phillips, Chris Wilson iha Bali, Indonesia lora 28 Setembru 2018.

Konkluziun final hosi verba OJE 2019 ne'e sei fo prioridade ba área hirak ne'ebé konsidera nu'udar áreas prioridades mak hanesan hasa'e produsaun agríkola, haforsa seguransa ai-han no hamenus nutrisaun-ladi'ak. Iha setor edukasaun kuintinua promove edukasaun no formasaun ne'ebé inkluziva ne'ebé iha kualidade no orienta ba merkadu. Iha setor Saude kuintinua haforsa servisu saúde ho kualidade. Nune'e mos iha setor infraestrutura kuintinua programa dezenvolve infraestrutura bázika bee moos no saneamentu, estrada (nasionál no rural sira), eletrisidade, telekomunikasaun (fibra ótika), portu no aeroportu; haforsa instituisaun sira no promove desentralizasaun administrativa; promove dezenvolvimentu setór turizmu, promove ambiente negósiu nian ida ne'ebé di'ak atu bele dezenvolve investimentu husi setór privadu.

Ministériu Finansas sei apresenta proposta pre-eliminariu hosi enkontru KROP ba Konsellu Ministru iha lora 31 Outubru 2018 hodi bele hetan apresiasaun final. Ikusliu, iha 6 Novembru 2018, Ministériu Finansas kuintinua apresenta lei ho tetu final ba Konsellu Ministru hodi halo aprovasaun. Ho nune'e iha lora 8 Novembru 2018, VIII Governu Konstitusional bele apresenta OJE 2019 ba Parlamentu Nasional (PN).